



1913-yil aprel oyidan chiqa boshlagan

Fidoyilik —
Vatanga xizmat demak!

Zarafshon

2025-yil 31-may, shanba,
64 (24.090)-son

O'zbek xalq
maqoli

Dangasaga
bulut
soyasi ham
yuk



www.zarnews.uz https://www.facebook.com/zarnews.uz @zarnews_uz https://twitter.com/zarnews_uz

Bulung'ur tumanini jadal va kompleks

rivojlantirish dasturi tasdiqlandi

30-may kuni xalq deputatlari viloyat Kengashining o'n uchinchi sessiyasi o'tkazildi. Sessiya ishini Kengash raisi Sh.Negmatov boshqardi.

Dastlab O'zbekiston Respublikasi Hisob palatasining Samarqand viloyati mahalliy budjetining 2024-yildagi ijrosi to'g'risidagi hisoboti tashqi audit va baholashdan o'tkazilganligi yuzasidan palata mas'ul xodimi N.Ikromov ma'lumot berdi.

Hisobotda 2024-yildagi mahalliy budjet ijrosida yo'l qo'yilgan xato va kamchiliklar qayd etilib, ularni bartaraf etish yuzasidan chora-tadbirlar belgilangan aytiladi. Viloyatdagi davlat organlari va tashkilotlariga budjetdan ajratilayotgan mablag'lardan tejamkorlik asosida maqsadli va samarali foydalanish, budjet daromadlari prognoz ko'rsatkichlarini barcha manbalar bo'yicha ta'minlash yuzasidan rahbarlarning mas'uliyatini oshirish zarurligi ta'kidlandi.

Masala bo'yicha viloyat iqtisodiyot va moliya bosh boshqarmasi, soliq va g'aznachilik boshqarmalari mas'ullarining axborotlari eshitildi.

Kun tartibiga muvofiq, Prezidentning 2022-yil 4-aprelda "Avtomobil yo'llarida inson xavfsizligini ishonchli ta'minlash va o'lim holatlarini keskin kamaytirish chora-tadbirlari to'g'risida"gi hamda 2022-yil 12-iyulda qabul qilingan "2022-2026-yillar davomida amalga oshirilishi mo'ljallangan "Xavfsiz va ravon yo'l" umummilliy dasturini tasdiqlash to'g'risida"gi qarorlari ijrosi yuzasidan amalga oshirilayotgan ishlar bo'yicha viloyat IIB jamoat xavfsizligi xizmati yo'l harakati xavfsizligi boshqarmasi boshlig'i o'rinbosari Zokir Qayumovning hisoboti tinglandi.

Hisobotda keltirilishicha, viloyatda joriy yilning 4 oyida yo'l-transport hodisalari o'tgan yilning shu davriga nisbatan 34 taga, o'lim bilan bog'liqlari 6 taga, tan jarohati bilan bog'liqlari 69 taga oshgan.

O'lim bilan bog'liq hodisalar Urgut tumanida 11 ta, Jomboy, Oqdaryo va Toyloq tumanlarida 8 tadan, Past Darg'omda 6 ta qayd etildi, — dedi Z.Qayumov. — Yo'l-transport hodisalarining 135 tasi piyodalarni urib yuborish bilan bog'liq bo'lgani g'oyat tashvishlanarlidir. Tahlillar shuni ko'rsatdiki, yo'l-transport hodisalarining 82 tasi xalqaro, 47 tasi davlat, 99 tasi mahalliy ahamiyatdagi avtomobil yo'llarida sodir etilgan. Haydovchilar tomonidan belgilangan tezlikni oshirish, yo'lning toifasi harakat jadalligiga mos emasligi va yoritish moslamalari tungi vaqtda ishlamasligi, piyodalar uchun yo'laklar yo'qligi yo'l-transport hodisalari kelib chiqishiga asosiy sabablardan bo'lgan.

Shu sababli umumiy foydalanishdagi avtomobil yo'llarida sodir bo'lgan yo'l-transport hodisalarining kelib chiqishiga ta'sir ko'rsatgan omillarni bartaraf etish bo'yicha viloyat avtomobil yo'llari bosh boshqarmasiga joriy yilning 4 oyi davomida 44 ta taqdimnoma kiritilgan.

Yo'llarda xavfsizlikni ta'minlash maqsadida yil boshidan buyon viloyat bo'yicha 1159 ta yangi yo'l belgilari o'rnatilgan va yaroqsizlari yangisiga almashtirilgan, 9 ta yangi svetofor obyekti qurilgan, mavjudlari rekonstruksiya qilingan.

Muhokama jarayonida yo'llarda harakat xavfsizligini ta'minlashda ichki ishlar idoralari bilan birga jamoatchilik ham faol ishtirok etishi, haydovchi va piyodalarning yo'l harakati qoidalariga qat'iy rioya qilishi, mahalliy hokimlik va mutasaddi idoralar tomonidan yo'l infratruzilmasini yaxshilash choralarini ko'rilishi lozimligi ta'kidlandi.

Shundan so'ng hududlarda maishiy chiqindilarni to'plash va olib chiqib ketish bo'yicha xizmat ko'rsatish uchun majburiy to'lov tariflarining yangi miqdori to'g'risida qaror qabul qilindi.

Unga ko'ra, viloyatda maishiy chiqindi uchun bir kishiga bir oylik to'lov miqdori Samarqand shahri va Samarqand tumanida 9500 so'm, Kattaqo'rg'on shahri va boshqa tumanlarda 8000 so'm etib belgilanishi ma'qullandi. Shuningdek, yuridik shaxslar uchun ham to'lov tarif miqdori yangilandi.

Sessiyada viloyatda 2026-2028-yillarda ijtimoiy va ishlab chiqarish infratruzilmasini rivojlantirish dasturiga kiritiladigan loyihalar tasdiqlandi.

Davlatimiz rahbarining 2025-yil 1-apreldagi "Respublika hududlarini jadal kompleks rivojlantirish uchun tanlab olingan tuman (shahar)larda amaliy chora-tadbirlarni amalga oshirish to'g'risida"gi qaroridan kelib chiqib, Bulung'ur tumanini 2025-2026-yillarda jadal va kompleks rivojlantirish dasturini tasdiqlash to'g'risida qaror qabul qilindi.

Dasturda jumladan, tumandagi Bulung'ur shoh, Fozil Yo'ldosh hamda Mustaqillik ko'chasini tunu kun ishlaydigan ko'chaga aylantirish, Bulung'ur kanali bo'yida 25,1 gektar yer maydonida aholi uchun zamonaviy dam olish maskanlari tashkil etish, M-39 avtomagistral yo'lining tuman mahallalari hududidan o'tuvchi qismi yo'l bo'yida 75 ta savdo va xizmat ko'rsatish obyektlari ochish, tuman markazida renovatsiya dasturi asosida 7 ta 2 qavatli, 1 ta 3 qavatli, 90 ta yakka tartibdagi turar hamda 17 ta noturar joylar o'rnida 1320 xonadonli 22 ta zamonaviy, energiya tejamkor ko'p qavatli uylar qurish ko'zda tutilgan.

Sessiyada qishloq joylarni kompleks rivojlantirish (2-bosqich) loyihasi doirasida ishlab chiqilgan manzilli ro'yxatini tasdiqlash, viloyat mahalliy budjetining qo'shimcha manbalaridan foydalanish to'g'risidagi va boshqa masalalar ko'rib chiqilib, qarorlar qabul qilindi.

Ўзбекистон Республикаси Президенти Шавкат Мирзиёевнинг таклифига биноан Италия Республикаси Бош вазири Жоржа Мелони 28-29 май кунлари расмий ташриф билан мамлакатимизда бўлди. Италия Республикаси Бош вазири Жоржа Мелонини давлатимиз раҳбари кутиб олди ва олий мартабали меҳмон дастлаб Регистон майдонида бўлди.



РИМГА ЭЛТАР ЙЎЛЛАР САМАРҚАНДГА БОШЛАДИ

Сўнгра давлат раҳбарлари "Silk Road Samarqand" халқаро туризм марказидаги "Боқий шаҳар" тарихий-этнографик боғида бўлди. Халқимизнинг бой маданий мероси, хунарманчилик ва амалий санъати ни акс эттирувчи кўргазмалар томоша қилинди. Рақс жамоаларининг чиқишларидан иборат маданий дастур намойиш этилди.

Дунё тарихчилари, шарқшунослар тилида шундай гап бор: Фарбада – Рим, Шарқда – Самарқанд. Бу билан икки минтақа цивилизациясида ушбу икки қадимий шаҳар қанчалик муҳим роль ўйнагани эътироф этилади. Ҳалигача Ўзбекистон ва Италия тарихчилари, археологлари Самарқанд ва Рим мисолида давлатлар ўртасидаги алоқалар ўтмиши билан қизиқади, бу борада тадқиқотлар олиб борилади. Жумладан, бир неча йилдан буён Ўзбекистон ва италиялик археологлар Самарқанд шаҳри яқинидаги Кофирқалъа археологик ёдгорлигини ўрганмоқда.

Дарвоқе, бир неча минг йиллик тарихга эга Рим

дунёнинг қадимий цивилизация марказларидан бири бўлгани боис маданий ва сиёсий мулоқотларда "Барча йўللар Римга элтади" деган ибора пайдо бўлган. Бугун бу таърифи ер юзининг сайқали, Шарқ ва Фарбни боғлаган қадимий кентга нисбатан қўллаб, барча йўللар Самарқандга бошлайди, десак муболаға бўлмайди.

Ташрифнинг асосий тadbirlari 29 май кунин Самарқанд шаҳридаги Конгресс марказида бўлиб ўтди. Шавкат Мирзиёев ва Жоржа Мелонининг юзма-юз ҳамда расмий делегациялар иштирокидаги музокараларида икки томонлама стратегик шериклик муносабатларини янада ривожлантириш ва кўп қиррали ҳамкорликни кенгайтириш масалалари кўриб чиқилди. Етакчилар стратегик шериклик муносабатларини мустақамлаш тўғрисидаги қўшма декларацияни қабул қилди.

Музокаралар якунланган Самарқанд шаҳридаги кўчага Рим шаҳри номини беришга бағишланган танта-

нали маросим ўтказилди.

Ўзбекистон Республикаси Президенти Шавкат Мирзиёев ушбу қарор чуқур тарихий ва маданий алоқалар, стратегик шериклик муносабатларининг ҳозирги юксак даражасини инобатга олган ҳолда, шунингдек, Ўзбекистон ва Италия халқлари ўртасидаги дўстлик ва ўзаро ҳурмат рамзи сифатида қабул қилинган таъкидлади.

Шавкат Мирзиёев ва Жоржа Мелони Конгресс марказида ташкил этилган "Ўзбекистон ва Италия: цивилизациялар мулоқоти" кўргазмасини томоша қилди.

Меҳмонларга Афросиёбнинг "Самарқанд ҳукмдори томонидан элчиларни қабул қилиш маросими" номли деворий суратнинг машҳур италиялик уста Мауро Пеллицонни томонидан Флоренция мозаикаси услубида ишланган ноёб нусхаси намойиш этилди.

Шу билан Италия Бош вазири Жоржа Мелонининг юртимизга ташрифи якунланди.

Ў.А.



Маданий ҳамкорликни мустақамлаш йўлида

Юртимизда "Россия маданияти кунлари" тadbiri ташкил этилди. Икки давлат ўртасида ўрнатилган маданий-гуманитар ҳамкорлик ва дўстона алоқаларни янада мустақамлашга қаратилган ушбу тadbirнинг очилиш маросими пойтахтдаги "Ўзбекистон" форумлар саройида ўтказилди.

Юртимизда "Россия маданияти кунлари" доирасида турли тadbirlar, концерт дастурлари, шунингдек, кинофестивал ташкил этилди.

Кеча Самарқанддаги "Боқий шаҳар" сайёҳлик мажмуаси ҳудудида тadbirнинг ёпилиш маросими бўлиб ўтди.

"Россия маданияти кунлари" доирасидаги тadbirlar кутганимиздан арто бўлди, — дейди Россия Федерациясида хизмат кўрсатган артил ва "Овоз" шоуининг иккинчи мавсуми ёлиби Сергей Волчков. — Мамлакат пойтахти Тошкентда бўлди. Бугун эса кўхна Самарқандда. Бундай мафтункор, қадимий ва навқирон кентнинг мусаффо ҳавосидан нафас олиб, илҳомландик. Бу ерда кўшиқ куйлаб чарчамайди киши.

Маросимда Россия Федерацияси халқ артисти Сергей Жилин раҳбарлигидаги фонограф-симфо-жаз оркестри билан бирга, етакчи рус эстрадаси ижрочиларининг мусликий дастури намойиш этилди.

Тўлқин СИДДИҚОВ,
Бахтиёр МУСТАНОВ (сурат).

Аввал test, so'ng tanlov

Аbituriyentlar uchun imtihonlar iyul-avgust oylarida o'tkaziladi

Oliy ta'lim tashkilotlariga o'qishga qabul qilish bo'yicha davlat buyurtmasini shakllantirish va davlat granti ajratish mexanizmlarini takomillashtirish, yoshlarning sifatli ta'lim olishlari uchun mavjud shart-sharoitlarni yaxshilash, kadrlar tayyorlashni iqtisodiyotning rivojlanayotgan tarmoq va sohalariga manzilli yo'naltirish maqsadida O'zbekiston Respublikasi Prezidentining 2024-yil 24-maydagi "Oliy ta'lim tashkilotlariga o'qishga qabul qilish va davlat buyurtmasini joylashtirish tizimini takomillashtirish to'g'risida"gi farmoniga ko'ra, qabul jarayonlari "Avval test, so'ng tanlov" tamoyiliga muvofiq ikki bosqichda amalga oshiriladi.

Аvvalgi yildan boshlab, davlat oliy va professional ta'lim muassasalariga (kasb-hunar maktabi bundan mustasno) qabul qilish bo'yicha imtihonlar "Avval test, so'ng tanlov" tamoyiliga muvofiq bir vaqtda o'tkaziladi. Bunda abituriyentlar o'z tanloviga ko'ra test sinovi natijasida to'plagan balidan kelib chiqib, dastlab oliy ta'limning bakalavriat ta'lim yo'nalishlariga, so'ng professional ta'lim muassasalariga o'qishga kirish uchun tanlovda ishtirok etadi.

Oliy va professional ta'lim muassasalariga o'qishga qabul qilish bo'yicha kirish imtihonlari iyul-avgust oylarida o'tkaziladi. Davlat oliy ta'lim muassasalari bakalavriatiga qabul jarayoni quyidagi ikki bosqichda amalga oshiriladi:

Birinchi bosqichda abituriyentlar 5-iyundan 25-iyungacha qadar (25-iyun kuni ham) test sinovi topshirish uchun ro'yxatdan o'tadi. Bunda abituriyentlar faqat test sinovi topshiriladigan fanlar majmuasi, ta'lim tili va test topshirish hududini hamda kirish imtihonlari tarkibida kasbiy (ijodiy) imtihon bo'lsa, ushbu imtihonni topshiradigan davlat oliy ta'lim muassasasini tanlaydi.

Ikkinchi bosqichda abituriyentlar test sinovlari to'liq yakunlanganidan so'ng 15 kun davomida oliy ta'lim muassasasi, bakalavriat ta'lim yo'nalishi va ta'lim shaklini tanlaydi. Ya'ni, o'zining olgan baliga qarab, testlar o'tib bo'lgandan keyin, qaysi oliyog'ohning qaysi yo'nalishiga topshirishini tanlaydi. O'yab olish, tahlil qilish uchun 15 kun vaqt bo'ladi.

O'QISHGA KIRA OLMAGANLAR NIMA QILADI?

Mabodo abituriyentlar oliyog'ohlarga kira olmasa, unda testda to'plagan bali bilan kollej yoki texnikumni tanlashi mumkin. O'qishga kira olmagani uchun kollej yoki texnikum tanlashga OTMlarga qabulning yakuniy natijasi e'lon qilinganidan so'ng yana 10 kun muddat beriladi.

Shuningdek, Prezident farmo-niga muvofiq joriy yilda ilk marta 2025/2026-o'quv yili qabulidan boshlab fanlar majmuasida chet tili birinchi fan sifatida belgilangan ta'lim yo'nalishlariga qabul qilishda ushbu fondan test sinovi o'tkazilmaydi. Abituriyentlar belgilangan darajadagi sertifikatni taqdim etishlari lozim.

Birinchi fan sifatida aniq ko'rsatilgan ingliz, nemis va fransuz tillaridan ayni shu fan bo'yicha, birinchi fan "Chet tili" ko'rsatilgan ta'lim yo'nalishlariga esa, bakalavriat ta'lim yo'nalishlari uchun tasdiqlangan xorijiy tillarni bilish darajasini belgilovchi milliy va xalqaro sertifikatlardan birini taqdim etish talab etiladi.

**Samariddin SUYUNOV,
Bilim va malakalarni baholash agentligi viloyat bo'limi mutaxassisi.**

Юртимиз равнақида муҳим соҳа

Вилоятимизда мебел маҳсулотлари ишлаб чиқарувчи 358 та корхона фаолият кўрсатмоқда. 2024 йилда ушбу корхоналар томонидан 421,3 миллиард сўмлик маҳсулотлар ишлаб чиқарилиб, жорий йилнинг ўтган тўрт ойида бу кўрсаткич 128 миллиард сўмни ташкил этган. Жумладан, қайд қилинган даврда Самарқанд шаҳридаги "САБИНА-С" хусусий корхонаси 1,2 миллиард сўмлик офис мебеллари, Самарқанд туманидаги "Стеклопластик" масъулияти чекланган жамияти 21 миллиард сўмлик офис, уй-рўзгор ва тиббиёт мебеллари, "Талибарзу текстил мебел" масъулияти чекланган жамияти 2,4 миллиард сўмлик юмшоқ мебел, Ургут туманидаги "Раҳмон" масъулияти чекланган жамияти 1,1 миллиард сўмлик ошхона мебеллари ишлаб чиқарган.



ри ишлаб чиқарилган. Йил якунигача вилоятда 3 триллион сўмликдан кўпроқ қурилиш материаллари ишлаб чиқариш режаланштирилган.

2025-2026 йилларда вилоятда 470 миллион долларлик 77 та инвестиция лойиҳаси амалга оширилмоқда. Жумладан, жорий йилда 225 миллион долларлик 47 та инвестиция лойиҳаси ишга туширилади ва 1069 та янги иш ўрни ташкил қилинади.

Натижада бетон ва темир-бетон маҳсулотлари, қуруқ қурилиш қоримчалари, дераза ва эшик ромлари, ПВХ маҳсулотлари, пардозбоп тош, газобетон ва пенаблок, замонавий ғишт, керамик плиткалар каби янги ишлаб чиқариш қувватлари яратилади.

Хорижий давлатларга 3,4 миллион долларлик маҳсулотлар экспорт қилинади ва бюджетга 35 миллиард сўм қўшимча тушум туширилади.

Аслида давлатимиз раҳбари иштирокидаги видеоселектор йиғилишида кўтарилган барча йўналишлардаги масалалар ва маҳаллий саноатни ривожлантиришга қаратилган устувор вазифалар ижроси мамлакатимиз иқтисодий тараққиёти, аҳоли бандлиги ҳамда фаровонлигини таъминлашга қаратилгани билан аҳамиятлидир.

Биз, депутатлар ҳам масалаларга эътиборни янада кучайтириб, муаммоларни тadbirkorлар билан биргаликда бартараф этиш чораларини кўрамыз. Бу юртимиз равнақи учун ғоятда муҳим.

Ўктам САИДМУРОДОВ,
халқ депутатлари вилоят
Кенгаши депутати.

1-iyun – Xalqaro bolalarni himoya qilish kuni



Dunyoni kulgusi bilan to'ldirgan, har bir odamga tabassum ulasha olgan, beg'uborlik timsoli bo'lmish – jajji bolajon. Dardli og'riqlardan xalos bo'lgan onaning murg'akkinaga go'dagini bag'riga bosgandagi latofatli chehrasi – bu lahzani, bu ko'rinishni hech bir mohir musavvir qog'ozga muhrlay olmaydi, buni so'z bilan ifodalab bo'lmaydi. Dunyo dunyo bo'lib yaralibdik, farzand inson umrining ko'rki, mazmuni va lazzati hisoblanadi.

Muassasadan oilalarga ko'chgan parvarish



Haqiqatan, bola – bir gul, uning parvarishi esa nafaqat ota-onalarga, balki atrofidagi barcha odamlar zim-masiga muayyan mas'uliyat yuklaydi. Mamlakatimiz aholisining uchdan bir qismini bolalar tashkil qilgan ekan, ularning kamolini tug'al ko'rish uchun alohida e'tibor, g'amxo'rlik ko'rsatishimiz zarur. Bugungi kunda ushbu vazifa davlatimiz miqyosidagi keng qamrovli amaliy faoliyatga aylangan bo'lsa, bolalar farovonligini ta'minlash, ularning sog'lom voyaga yetishiga erishish uchun barcha shart-sharoitlar yaratilgan.

O'zbekiston Respublikasi Vazirlar Mahkamasining 2020-yil 21-noyabrda 738-sonli qarori qabul qilindi. Anan shu qarorga asosan, SOS O'zbekiston Bolalar mahallalari uyushmasi bolalarni muqobil parvarish qilish borasida o'z faoliyatini davom ettirmoqda. Bundan tashqari, filialimiz boshqa xizmatlarni ham amalga oshirib, notinch, muammoli oilalardagi bolalar bilan ishlash, oilaviy uylardan chiqib, mustaqil hayotga qadam qo'ygan yosh oilalarni qo'llab-quvvatlash bilan ham shug'ullanmoqda.

Qariyb 20 yil davomida uzoq muddatli oilaviy vasiylik doirasida yetim va ota-oni qaramog'isiz qolgan 376 nafar bolani ijtimoiy himoyaga olib tarbiyaladik.

Bugungi kunda "Bolalarni muqobil parvarish qilish xizmati" yo'nalishida 45 nafar bolajonlar 8 ta oilaviy bolalar uylarida SOS-onalari g'amxo'rligida va "Qisqa muddatli muqobil parvarish qilish" yo'nalishida 12 nafar bola to'laqonli oila farzandlari singari tarbiyalanmoqda. Shuningdek, 6 ta oilaviy bolalar uylariga hamrohlik qilib kelmoqda.

"BOLALARNI MUQOBIL PARVARISH QILISH XIZMATI"

Ushbu yo'nalish tarbiyalanuvchisi Sherzod Shermatov filialning jamiyatdagi mahallalarga integratsiya qilingan oilasiga joylashtirilgan. O'rta maktabda ta'lim olishni davom ettirish maqsadida mazkur oilaga yaqin bo'lgan 12-umumiy o'rta ta'lim maktabida o'qiy boshladi. Sherzod integratsiya oilasiga tezda moslashib, ruhiy holati barqarorlashdi, oiladagi boshqa bolalar bilan iliq oilaviy munosabatlari o'rnatildi, sog'lig'idagi ba'zi kamchiliklar bartaraf etilib, sog'lom turmush tarzi asosida yashay boshladi. Sherzod 12-umumiy ta'lim maktabida barcha tengdoshlari va ustozlari mehriini qozondi, dastlabki yillarda fanlarni 4-5 baholarga o'zlashtirgan bo'lsa, keyingi yillarda baholarini to'liq 5 baholarga ko'tardi, darsdan ko'sh vaqtlari fan va sport to'garaklariga qatnashib, o'z ustida mustaqil ishladi, bilimlar orttirdi, shu bilan bir qatorda, jismonan sog'lomlashdi. 2022-2025-yillar davomida "Erudit" o'quv markazida rus, ingliz tillarini o'rgandi, ayniqsa, ingliz tilini a'lo darajada o'zlashtirib, ingliz tilida mustaqil gapirish darajasiga o'tdi, sport turlaridan esa Samarqand shahar 2-Bolalar va

o'smirlar sport maktabining yakka kurashi va boks to'garaklarida sport sirlarini o'rgandi. Sherzod oilada opa-ukalariga mehribon, SOS ona tarbiyachiga yaqindan ko'makchi. U kelajakda yetuk futbolchi yoki ingliz tilini puxta o'rganib, tarjimonlik sohasida ishlashni orzu qiladi, orzulari yo'lida tinmay mehnat qiladi.

"IJTIMOIY YETIMLIKNING OLDINI OLISH"

Bu xizmat faoliyati va bu xizmatning bolalarning oilada tarbiyasini ta'minlash va ularni oilada saqlab qolish borasida Samarqand shahri mahallalari bilan hamkorlikda bugungi kunga qadar 342 (bugungi kunda 112 oila) ta oila 846 (bugungi kunda 284) nafar bolalarga xizmat ko'rsatib kelmoqda.

"YOSHLARGA HAMROHLIK QILISH"

Ushbu xizmatda hozirda 63 nafar o'g'il-qiz qo'llab-quvvatlanmoqda. Xizmat 2008-yildan buyon faoliyat ko'rsatib keladi. Xizmatning asosiy maqsadlaridan biri muqobil parvarishlash xizmatida tarbiyalangan o'g'il-qizlar mustaqil yashashi uchun ularning imkoniyatlarini oshirishdan iborat. Shuningdek, bolalarning ta'lim olishi, kasb o'rganishi, muqom yashash joyiga ega bo'lishi va jamiyatda o'z o'rnini topishiga ko'maklashishdan iborat.

Hozirga qadar 105 nafar o'g'il-qiz mustaqil hayotga qadam qo'ygan. 77 nafar yoshlar davlat tomonidan ajratilgan uy-joyga ega bo'lishgan, 7 nafar yoshlarning ota-onasidan qolgan uylari rekonstruksiya qilinishiga ko'maklashilgan. 102 nafar yoshlar davlat va xorijiy oliy ta'lim muassasalariga o'qishga kirgan, hozirga qadar 36 nafari oliy ta'limda o'qishini tamomlagan. 13 nafar yoshlar kasb-hunar texnikumlarini bitirgan. 7 nafar yoshlar kasb-hunar kurslarini tamomlab, mehnat faoliyatini olib bormoqda. Xizmat doirasida jamiyatda murakkab hayotiy vaziyatga tushgan va davlat muqobil parvarishlash xizmatlarining 36 nafari bitiruvchilari qo'llab-quvvatlandi.

Bu yoshlar oliy ta'limda o'qishi bilan birga jamiyat hayotida, yoshlar faoliyatiga oid tadbir va uchrashuvlarda faol ishtirok etishadi. 2023- va 2024-yillarda Belarus davlatida tashkil qilingan yoshlar forumida 4 nafar yoshlar faol ishtirok etdi. 25 nafar o'g'il-qizlar haydovchilik kurslarida o'qib, haydovchilik guvohnomasiga ega bo'ldi.

Hozirda 45 nafar yoshlar oila qurgan va ulardan 40 nafari farzandli bo'lgan. Bola misoli bir nihol, uni parvarishlash, g'amxo'rlik qilish va yo'naltirish zarur. Shunday bo'lsa ham jamiyatimiz ravnaqi yo'lidagi fidoyi insonlar bo'lib yetishadi.

Dilrabo DAVRONOVA,
SOS O'zbekiston Bolalar mahallalari uyushmasining Samarqand shahridagi filiali direktori.

Уйдаги носоз газ баллонлари

унга ким масъул?

Бугун табиий газ етишмаган маҳалла ва қишлоқлар аҳолиси рўзғоридеа маиший газ баллонларидан фойдаланади. Худудий газ таъминоти бўлими томонидан ҳар 40 – 45 кунда аҳолига газ баллони тарқатилади. Ўзим ҳам қишлоқда яшайман, уларнинг хизматидан фойдаланаман. Яқинда газ баллон олиб келишганида у ёқ-бу ёғини текшириб олган эдим. Аммо плитага ўрнатган, газ чиқаётганини сезиб қолдим. Қишлоғимиздаги чинанчар устани қақчириб келгач, баллонни кўздан кечириб, аниқлаб берди - остида игнадай тешиги бор экан. Агарда у бўлмаганида нималар бўлишини тасаввур ҳам қилолмайман.

Тўғриси, бугунги кунда "маиший газ баллон жўмраги яхши буралмапаяти, баллондаги газ 10 кунга ҳам етмади, кам тўлдирилибди, баллоннинг ўзи носоз экан" қабилида мурожаат қилувчилар анчагина. Хўш, аслида тарқатилган газ баллонларининг саз ёки носозлиги учун ким масъул? Газ баллонларининг техник кўрик ва синовдан ўтказилганини қандай билиш мумкин? Носоз газ баллон қайтариб олинган, созланмасдан яна бировага бориб қолмайми?

"Худудгазтаъминот" АЖ "Худудгаз Самарқанд" газ таъминоти филиали қошида 6 та маиший газ баллонларни таъмирлаш ва синовдан ўтказиш чеҳи фаолият олиб боради. Улар синов муддати келган ёки таъмирталаб бўлиб қолган маиший газ баллонларини мунтазам таъмирлаб, катта босим остида техник синовдан ўтказишди. Жорий йилнинг ўтган даврида вилоят бўйича 39 мингта маиший газ баллони таъмирланиб, синовдан ўтказилган.

Аҳолига тарқатилган маиший газ баллонларида носозлик аниқланса, фақатгина худудий газ тўлдириш шохобчаларида жойлашган таъмирлаш ва синовдан ўтказиш цехларида камчиликни бартараф этиш мумкин, - дейди "Худудгаз Самарқанд" газ таъминоти филиали суолтирилган газ бўлими бошлиғи Маъруф Пардаев. - Синган ёки ёрилган қисмларини ўзбошимчилик билан пайвандлаш, созлаш ёки мурватларини алмаштириш мумкин эмас. Бу вазифа фақатгина синов цехларидаги малакали техник мутахассислар томонидан амалга оширилади. Агар уйингизга олган газ баллонингизда носозлик аниқланса, 104 рақами орқали Колл-марказга кўнгирок қилсангиз бас, ўзлари келиб бошқасига алмаштириб беришади. Шунингдек, шахсий маиший газ баллонларини бозордан ёки қўлдан эмас, балки махсус савдо дўконларидан олиш мумкин. Шунда ҳам унда синовдан ўтганлиги тўғрисидаги ёрлиғи бўлса харид қилиш мумкин. Чунки Фаргона ва Бухоро шаҳарларида газ баллонлари ишлаб чиқарувчи корхоналарда 5 йилгача синовдан ўтказилганлигини билдирувчи белги қўйилади.

Хозирда вилоятимиз аҳолисининг ихтиёрида 26 мингдан ортқ шахсий газ баллон бўлиб, худудий газ таъминоти бўлиmlари томонидан айланма тара асосида тўлдирилади.

Каттакўргон газ тўлдириш шохобчасида жойлашган 5 та газ сифимларида 42,5 тонна табиий газ сақланади. Туман аҳолиси ихтиёрида 39 мингта яқин маиший газ баллони бўлиб уларга кунига 23 тонна газ жойлаб жўнатилади. Ўтган йили корхоналардан икки хил сифимдаги 70 та



янги баллон қабул қилиб олинган. Ҳар ойда мингта янги жўмрак янгиланади.

Жорий йилда 6652 та газ баллонларини таъмирлаб, синовдан ўтказдик, - дейди шохобча раҳбари Алижон Саидов. - Кунига 50-60 та баллон кўздан кечирилиб, носозлари таъмирланади ва синовдан ўтказилади. Бузуқ жўмраклар янгисига алмаштирилади. Синовдан ўтказилганлигини билдирувчи тамга урилиб, рангланади. Шохобчада 5 та газ тўлдириш ва 2 та огир қолдик тўқиш ускунаси, 7 та махсус баллон тарқатувчи юк машинаси бор.

Бироқ хусусий газ қўйиш шохобчаларида бундай имкониятлар йўқ. Туман аҳолисида "Шухрат Мундиён глобал сервис" МЧЖ томонидан ҳам баллонларга газ қўйиш хизмати кўрсатилади. Ойига 200 тонна газ тарқатувчи мазкур хусусий корхонада маиший газ баллонлар таъмирланиб, синовдан ўтказилмайди. У.Насриддинов бошқарувдаги корхонада махсус синовдан ўтказиш ва таъмирлаш чеҳи йўқ. Нафақат корхона ишчиларининг, балки аҳолининг ҳам хавфсизлигини таъминлаш кўзда тутилмаган. Бу каби камчиликлар барча хусусий корхоналарда ҳам учрайди.

Ўта хавфли бўлган газ тўлдирилган баллонларни ишлашда йўл қўйилган салгина эҳтиётсизлик катта фалокатли келтириб чиқариши мумкин. Бунинг учун соҳа масъуллари хусусий корхоналар билан газ қўйиш хизмати учун шартнома тузишда шу жиҳатига эътибор қаратишлари керак.

Дилмурод ТЎХТАЕВ,
"Зарафшон" муҳбири.

Xotin-qizlarga psixologik, huquqiy, tibbiy yordam ko'rsatish, yoshlarni oilaviy hayotga tayyorlash markazlari faoliyatini takomillashtirish maqsadida har bir hududda "Oila va xotin-qizlar maskanlari" tashkil etilishi belgilangandi. Shu kunlarda viloyatning barcha tumanlari oila va xotin-qizlar bo'limlari qoshida shunday markazlar faoliyati yo'lga qo'yilmoqda.

"Oila va xotin-qizlar maskanlari" ning vazifalari ko'p



Nuroboddagi "Oila va xotin-qizlar maskani"ning ochilish marosimi tumandagi hamkor tashkilotlar vakillari hamda mahalla xotin-qizlar faollarini qabul maskan bilan tanishtirish, fikr almashishdan boshlandi.

"Ayollar daftri" dagi xotin-qizlar, notinch oilalar bilan ishlashda har doim turli soha mutaxassislariga ehtiyoj sezganmiz, - deydi Nurobod tumani hokimi o'rinbosari - oila va xotin-qizlar bo'limi rahbari Iroda Haqqulova. - Mahalladagi xotin-qizlar faoli bu masalalarda o'z hududidagi umumta'lim maktablari psixologlari xizmatidan foydalangan. Nizoli oilalar bilan ishlash, yosh nikohlanuvchilarni yangi metodologiya asosida hayotga tayyorlash uchun kompleks xizmatlarni ko'rsatishda ham ushbu markaz muhim ahamiyatga ega. Ayni paytda ushbu xizmatlarni ko'rsatish uchun markazda alohida xonalar tashkil etilgan.

Shuningdek, maskanlarda sog'liqni saqlash, FHDY, "Oqila ayollar" harakati a'zolari bilan hamkorlikda "Yosh oilalarda mas'uliyatli ota-onalarni rivojlantirish dasturi innovatsion tadqiqot loiyahisi" amalga oshirilib, farzand ko'rish bo'yicha mustaqil va ongli ravishda qaror qabul qilishda oilaning ijtimoiy-iqtisodiy imkoniyatlarini inobatga olishga qaratilgan "Mas'uliyatli ota-onalik" loiyahisi amaliyotga joriy etiladi.

Tumandagi 61-umumta'lim maktabida psixolog vazifasida ishlayman, - deydi Feruza Innazarova. - Ushbu maskanda jamoatchilik asosida ishlashga taklif etishdi, keldim. Maktabda asosan bolalar bilan ishlashda, bola ruhiyatidagi muammo ko'pincha oilasidagi nuzo, kelishmovchiliklarga borib taqaladi. Shuning uchun ularning oilasiga borib, ota-onalari bilan ham ishlashimga to'g'ri kelgan. Bir necha o'quvchilarimni shu tariqa ruhiy tushkunlik, salbiy holatlardan saqlab qolishga erishdik.

Hozircha maskanlardagi mutaxassislar jamoatchilik asosida faoliyat yuritadi. Keyinchalik ularga haq to'lash masalasi ko'rib chiqiladi hamda maxsus seminar-trening va o'quvlarida qatnashib, malakasini oshirishi ko'zda tutilgan.

Gulruh MO'MINOVA.

Oyoqlari sandalda kuygan hunarmand

Bugun nega kuyinyapti?

Urgut tumani O'ramas mahallasida yashovchi hunarmand ayol Risolat G'aniyeva 7 oylik go'dakligida sandalga tushib ketgan. Uning ikkala oyog'i cho'g'da kuyib, mushtdek bo'lib qolgan.

- Avvallari yurishga qiynalmasdim, - deydi u. - Yoshim o'tgan sari qiyinchilik tug'ilyapti. Maktabda tengdoshlarimdan qolishmasdim. Kechagiday esimda, 9-sinfda o'qirdim, mehnat darsida turli xil matolardan stul uchun ko'rpacha, doska uchun maxsus tozalagich tikardim. Ustozim ishlarimni boshqalarga o'rnatqilib ko'rsatardi. O'sha paytlar qo'shni qishloqda yashovchi tikuvchi ayolga shogirdlikka tushganman. Avval ko'ylaklar, keyinchalik yaktak va to'n tikib, bozorga chiqarib sotadigan bo'ldim. O'quvchilik davrimda o'zim pul topib, tikuv mashinasi sotib olganman. Maktabni bitirganimda ancha qo'lim kelishib qoldi, hatto bir qancha shogird ham tayyorladim.

Risolat 19 yoshida turmushga chiqdi. U kelin bo'lib tushgan qo'shni mahallada ayollar uchun kiyim-kechak tikish bilan shug'ullandi. Ammo...
- Turmush o'rtog'im bilan bor-yo'g'i 7 oy birga yashadim, - deydi R.G'aniyeva. - U oliy o'quv yurtida, huquqshunoslik yo'nalishida ta'lim olardi. Qaynotamning tavsiyasi bilan akademik ta'til olib, xorijga ishlashga ketdi. Pul jo'natib turardi, ammo o'zi kelmasdi. Oradan 3 yil o'tib, kunlarning birida uning olamdan o'tgani haqida xabar keldi. Bu xabarni eshitib, hushimni yo'qotganman. U meni "Parjon" deb chaqirardi. Bu voqeadan 4 kun oldin mendan roziligini, yosh kelin paytimda tashlab ketib, uzoq vaqt qaytib kelolmasligini aytib, mening ham undan rozi bo'lishimni so'ragandi...

3 yil yolg'iz yashagan bo'qila kelinni barcha oila a'zolari birdek hurmat qilardi. Risolat esa bu oila uchun hurmatga yarasha xizmat qildi.

- Bittagina molimiz bor edi, - deya so'zida davom etadi Risolat. - Kunlarning birida qaynonam jigar serrozi kasalligiga chalingani bois jarrohlik amaliyoti uchun pul kerak bo'lib qoldi. Uydagilar shu qoramolni sotmoqchi bo'lishdi. Xo'jayinim jo'natgan va o'zim tikuvchilikdan topgan pullarni jamlab, qaynonamning davolanishi uchun berdim. Sigirimiz sotilmay qolgan. Shuningdek, qishloq markazidan ikki qavatli imorat qurdirgandim. Birinchi qavatida oshxona, ikkinchi qavatida tikuv sexini ochishni maqsad qilgandim. Afsuski, bu ish oxirigacha yetmadi. Yemay-ichmay, kiyimay, topganingni qurilishga sarflab,

undan foydalanmasang alam qilarkan.

U turmush o'rtog'idan ayrilgach, o'zi tug'ilib o'sgan mahalla, O'ramasga - ota uyiga qaytib keldi.

- Bir muddat qo'lim hech ishga bormadi, - deydi qahramonimiz. - Keyinchalik yana tikuvchilik bilan shug'ullandim. Aniqrog'i, alamimni tikishdan oldim. Hunarim borligiga shukur qildim. Shu bilan ovundim.

Keyinchalik u o'zini parda tikish yo'nalishida ham sinab ko'rdi. Bunga bozorda parda savdosi bilan shug'ullanadigan bir tadbirkor ayolning taklifi sabab bo'ldi.

- Sotuvchi ayolning maslahati bilan parda ham tikib ko'rdim va bu menga juda ma'qul keldi, - deydi u. - Daromadim ham yaxshi ekan. Bugungi kunda o'zim yashaydigan hududda taniqli parda tikuvchilarning biriman. Ko'plab shogirdlar tayyorladim. Asosan o'zimga o'xshab qiyналgan, yordamga muhtoj xotin-qizlarga qo'limdan kelgan shu hunarni o'rgatishga harakat qilayman. Beminnat, bepul ustozlik qilaman. Aksincha, menga yordami tegsa, ularga xizmat haqini ham beraman.

Risolat hunarining ortidan kam bo'lmadi. Ota uyiga yaqin joydan o'zi uchun alohida 6 xonali uy qurdirdi. Shu hovlidagi katta bir xonada tikuvchilik sexi tashkil qilishni niyat qilgan.

- Nogironligim bo'lsa-da, biror marta yordam so'rab mahallaga murojaat qilmaganman, - deya bir masalani ham o'rtaga tashladi u. - Keyingi yillarda Davlatim rahbarining chiqishlarini kuzatib boraman. U kishining asosan, qo'ldan ish keladiganlarga, ayniqsa, nogironligi bo'lgan hunarmand va tadbirkorlarga yordam berilishi kerakligi haqidagi gaplarini eshitib, mahalladan tikuv mashinasi so'radim. Ammo hech natija bo'lmayapti. Mavsum paytida buyurtma juda ko'p bo'ladi. O'zining sog'lig'im avvalgidek emas, kuchim yetmaydi. Koronavirus pandemiyasi paytida kasal bo'lganimdan beri salq charchab qolaman. Yonimda 3-4 nafar shogirdim bor, mavsum vaqtida ular ham ulgur olmaydi. Agar menda qo'shimcha tikuv mashinalari bo'lsa, yana bir necha ishsiz, ehtiyojmand ayollarni shogirdlikka olib, ularning bandligini ta'minlagan bo'lardim. Ishlaganiga yarasha pul oladi, hunar o'rganadi. Menga ularning haqi kerakmas. Buyurtmachilarning ishini vaqtida bajarib bersak bo'lgani.

Risolat G'aniyevaning asosiy maqsadi - yolg'iz boshi bilan qurdirgan imoratida tikuvchilik sexini ochish. Uning bu maqsadi yo'lida mahalla faollari, "Inson" ijtimoiy xizmatlar markazi vakillari va boshqa mas'ullar e'tiborliroq bo'lsa, yaxshi bo'lardi?!

**To'liq SIDDIQOV,
Baxtiyor MUSTANOV (surat).**

Болаларни интеллектуал қобилиятига қараб ўқитайлик, касб-кор ўргатайлик

(Давоми. Бошлангич ўқувчи).

Таълимни ўрганиш институти зарур ва керак эканлигини исботловчи (қўрсатувчи) бир неча мисоллар келтираман. Нима учун баъзи катта шаҳарларда рус мактабларининг сони кўп, яъни рус тилида гаплашадиган аҳолининг сонига пропорционал эмас? Нима учун аҳоли ўз фарзандини рус тилидаги мактабда ўқитишни хоҳлайди? Ўзбек бўла туриб, фарзандини рус мактабларида ўқитаётган ота-оналарнинг фикри қандай, уларнинг кўпчилиги қайси табақага (камбағал, ўрта, бой, зиёли) мансуб? Улар ўзбек тилидаги мактаблардан нима учун норози? Бу масала кўтарилганда ижтимоий тармоқларда доим бунинг сабабларини эшитмасдан, ўрганмасдан, бир-биримизга "тош" отишни бошлаймиз. Лекин улар ҳам бизнинг миллатдошларимиз, фуқароларимиз, улар ҳам фарзандларини яхши кўради, яхши билим олишини хоҳлайди. Иккала мактаб ҳам бизники, иккаласининг ҳам ижобий ва салбий томонларини ўрганайлик, ижобий томонини қабул қилиб, ўзлаштирайлик. Шунда улар ҳам ўз фарзандларини ўзбек тилидаги мактабларга беради.

Ўзбек тилидаги мактабларда математика, физика, кимё фанларини ўқитаётган ўқитувчиларнинг қанча фоизини аёллар ташкил қилади? Ўз фани бўйича уларнинг саводди қандай, дарсга нормал тайёрларлик қириш учун имконияти борми? Ўзбек аёлларининг аксарияти 4-5 соат мактабда ишлаб келиб, уй-рўзгор ишлари билан банд. Бу ишлардан кейин дарсга тайёрларлик қириш учун неча соат вақт қолади ва бу вақт етарлими? Малакасини, билиминини ошириш учун-чи? Математика ва физикадан дарс бераётган аёл ўқитувчилар бир кунда ўтайдиган ҳар бир дарс учун 5-6 масала, мисол ечиб бориб, уни ўқувчига ўргатадими?

Касб-хунар коллежларига миллиард-миллиард сўмлик асбоб-ускуналар, ҳатто баъзиларига маълум маҳсулот ишлаб

чиқарадиган технологик ускуналарга олинди. Ҳатто уни-верситетларда бўлмаган 200 га яқин қимматбаҳо OPTIZEN III спектрофотометрларнинг 90 фоизи ҳам асосан касб-хунар коллежларига берилди. Лекин уларнинг кўпчилиги ишлатилмади, ишлатилганларнинг фойдали иш коэффициентини кам бўлди.

Ўқувчини билимга ва касб-хунарга ўргатиш бу - доимий иш. Шунинг учун бу масалаларни ўрганишнинг кечи йўқ. Уларни узлуксиз ўрганиб бориш, қайси ишни олдин, қайсини кейин ва ишнинг қайси қисми кимнинг вазифаси эканлиги, қайси босқичда қандай харажат борилигини аниқлаб, уни оптимал даражада амалга оширишга имкон беради. Лекин бу масалалар ҳозиргача ўрганилгани йўқ.

Бундан 6-7 йил олдин унга яқин илғор университетларга Канаданинг "AURORA" ширкатида ишлаб чиқарилган нархи 83000 евро бўлган А1 1200 маркали атом абсорбцион спектрометр сотиб олинди. Шундан бери уларнинг бирортаси ишлатилмади. Асосий сабаб уни биладиган мутахассиснинг йўқлиги, тайёрланмаганилиги, иккинчиси унга малакали техник хизмат кўрсатадиган, ишлагани ўргатадиган, бузилганда тузатадиган саводли мутахассис тайёрланмаганилиги. Шу университетларнинг бирортасига масалан, Миллий университетга тажрибага эга бўлган, яъни спектрал асбоблар билан ишлаган физик ёки муҳандисни ишга олиб, унга яхши ойлик тўлаб, асбобда ишлагани, техник хизмат кўрсатишни, соzлашни ўрганиб келиш учун Канадага (ёки шу асбобларга хизмат кўрсатадиган бошқа мамлакат ширкати) юбориб тайёрлаганда эши, у Тошкентда бoshкаларга ўргатарди, асбоб-ускуналарни ишга туширарди.

**Абдулла ҚУВАТОВ,
СамДУ доценти.**

(Давоми кейинги сонларда)

Нуронийлар етакчиси

Жамоатчилик билан ишлаш осон эмас. Чунки улар инсоннинг энг юксак фазилати – фидоқорона меҳнатини рўёбга чиқаришга ёрдам беради. Шу йўл билан ҳурмат қозониб, обрў-эътибор топади. Самарқанд шахридаги Гийсиддин Жамшид номли маҳалла раисининг кексалар ва фахрийлар ишлари бўйича маслаҳатчиси, Самарқанд шаҳар нуронийлар жамоатчилиги кенгаши аъзоси Саидвали Раҳмонов шундай инсонлар сирасидан.

Саидвали Раҳмонов Пайриқ туманида туғилиб, ўсди. Тумандаги 6-ўрта мактабни тамомлаб, меҳнат фаолиятини чилангарликдан бошлаган. 1969 йилда Тошкент ирригация ва кишлок хўжалигини механизациялаш инженерлари олийгоҳига ўқишга кирди. 1974 йилда институтни битириб, тумандаги "Москва" жамоа хўжалигига муҳандис вазифасига ишга қабул қилинди. Кейинчалик туман "Сельхозтехника" бирлашмасида муҳандис бўлиб ишлади. 1979-1991 йилларда туман партия кўмитасида йўриқчи, бўлим мудир ва II-котиб вазифаларида меҳнат қилди. Туман "Агросоноат" уюшмаси раиси вазифасига ишлаб, кишлок хўжалиги ривожига ҳисса қўшди. Туманда фермер хўжаликлари тузишга раҳбарлик қилди.

С.Раҳмонов вилоят "Агро-машсервис" бирлашмаси раисининг биринчи ўринбосари бўлиб ишлаган даврида соҳага

иктисодий ислохотларни жорий қилишга бош-қош бўлди. Туманларда ангина машина трактор парклари тузишда жонкуярлик билан ишлаб, уларни янги техникалар билан таъминлашга ҳисса қўшди. Бу даврда юқори иш унумига эга бўлган "Кейс" комбайнлари ва "Магнум" гилдиракли ҳайдов тракторлари келтирилди. Кейинчалик туман ҳокимининг биринчи ўринбосари сифатида ишлаб, ўз фаолиятини яна кишлок хўжалиги билан боғлади.

С.Раҳмонов 2002-2010 йилларда Самарқанд шаҳар Гийсиддин Жамшид номли маҳаллада котиб, Самарқанд давлат тиббиёт институти қошидаги 2-сон академик-лицейда ходимлар бўйича нозир ва тарбиячилар раҳбари вазифаларида ишлади. У қаерда ва қайси вазифада ишлагани, ҳаётнинг энг қайноқ жойларига фаолият кўрсатди. 2010 йилда нафақага чиққандан бугунга қадар ўзи яшаб

келаётган маҳалла нуронийлари сардори.

Ўзи яшайдиган маҳалла ҳаётида ва жамоат ишларида фаол. Айниқса, кекса нуронийлар ўртасида ҳурматга сазовор. Ҳозирги давр талаби ва сиёсатини яхши тушунган ҳолда ўз устид мунтазам ишлаб, кўплаб бадиий адабиётларини доимий равишда ўқиб боради, ўзи ҳам ўзгаришлардан илҳомланиб, шёрлар машқ қилиб туради. Ватанини, халқини ва ота-онани мадҳ этувчи кўплаб шёрлари республика ва маҳаллий газеталарда chop этилган. Китоб ўқишни тарғиб қилишда тарихий асарлардан иқтибос келтиришни ўз ўрнига қўяди.

С.Раҳмонов "Беш ташаббус" доирасидаги тадбирларда ҳам фаол иштирок этиб келади. 2020 йилда ўтказилган Самарқанд нуронийлари шахмат мусобақасида биринчи ўринни, 2022 йилда "Бир нуроний - ўн ёшга масъул" кўрик-танловига иккинчи



ўринни эгаллади. Ҳовлисида 20 хилдаги юз тупдан ортик мевали дарахлар аллақачон ҳосилга кирган. Ўз фарзандлари ва невараларига ҳам боғдорчилик сирларини ўргатиб келмоқда.

Бу тиниб-тинчимас инсон самарали меҳнатлари учун I даражали меҳнат фахрийси ҳамда Тожикистон адабиёти жағфарасининг "Садриддин Айний" кўқрак нишонлари билан мукофотланган.

Бугун Саидвали бобо Раҳмонов ўзининг табаррук 75 ёшини оиласи ва яқинлари даврасида нишонламоқда. Биз ҳам Самарқанд шаҳар нуронийлари, касбдошлари ва дўсту қадрдонлари номидан Саидвали Раҳмоновни табриклаб, соғлиқ-саломатлик тилаб қоламиз.

**Хуршид НУРУЛЛАЕВ,
"Нуроний" жағфармаси Самарқанд шаҳар бўлими раиси,
Гулбаҳор ХУСАИНОВА,
Нуронийлар жамоатчилиги кенгаши раиси ўринбосари.**

РЕКЛАМА, E'OLONLAR, BILDIRISHLAR / Gazetamiz haftada uch marta - seshanba, payshanba va shanba kunlari chop etiladi / Gazetada chop etilayotgan reklama va e'lonlar tezkor, samarali va hamyonbop / MUROJAAT UCHUN TELEFON: 66-233-91-56

"BULUNG'UR DEHQON BOZORI" MCHJ TA'SISCHILARI DIQQATIGA!

"Bulung'ur dehqon bozori" ma'suliyati cheklangan jamiyati ta'sischilarining navbatdagi umumiy yig'ilishi 2025-yil 17-iyun kuni soat 11:00 da Bulung'ur tumani Sohibkor ko'chasida joylashgan jamiyat ma'muriy binosida bo'lib o'tadi.

Navbatdagi umumiy yig'ilish kun tartibida quyidagi masalalar ko'rildi:

- 2024-yil moliya-xo'jalik faoliyati natijalari to'g'risidagi ijroiya organi hisoboti.
- 2024-yil yakuni bilan tuzilgan buxgalteriya balansini tasdiqlash.
- 2024-yil moliya-xo'jalik faoliyati to'g'risida auditorlik tekshiruv natijalari va auditor xulosasini tasdiqlash.
- 2024-yil so'f foydasini taqsimlash.
- 2024-yil daromadlar va xarajatlar smetasini tasdiqlash.
- 2025-yil daromadlar va xarajatlar smetasini tasdiqlash.
- "Markaziy bozor" va "Oqtepa" filialida ta'mirlash, zamonaviy shaharsozlik talablari asosida qurilish hamda rekonstruksiya ishlarini amalga oshirish.
- O'zbekiston Respublikasining "Davlat mulkini boshqarish sohasi takomillashtirishi munosabati bilan O'zbekiston Respublikasining ayrim qonun hujjatlariga o'zgartirish va qo'shimchalar kiritish to'g'risida" 2024-yil 22-oktabrdagi O'RIQ-980-son Qonuni bilan O'zbekiston Respublikasi "Ma'suliyati cheklangan hamda qo'shimcha ma'suliyatli jamiyatlar to'g'risida"gi Qonunining 20-moddasiga qo'shimchalar kiritilgan. Shunga ko'ra, jamiyatning ustavidagi davlat ulushi ommaviy sotilgan, jamiyatning qolgan ishtirokchilari yoki jamiyatni roziligini olish talabini bekor qilish bo'yicha o'zgartirishlar kiritish masalasi.
- Boshqa masalalar:

A) O'zbekiston Respublikasi Prezidentining 2025-yil 3-yanvardagi PQ-1-son qarori ijrosini ta'minlash maqsadida Bulung'ur tumani "Mehrijon" MFYda joylashgan "Bulung'ur dehqon bozori" MCHJda xavfsiz muhit yaratish va huquqbuzarliklarning barvaqt oldini olishning samarali tizimini shakllantirishga qaratilgan asosiy maqsadli

ko'rsatkichlarga muvofiq hududga o'rnatilgan tegishli kamera qurilmalari uchun tuman IIBda televizor o'rnatish.

B) "Obod bozor" MCHJning yer maydonini tuman zaxirasiga topshirish.

V) "Oqtepasoy" qurilishiga beg'araz moliyaviy yordam ko'rsatish masalasi.

G) Bozor tushumini to'liq qamrab olish maqsadida "RAQAMLI BOZOR" axborot tizimiga ulanish masalasi.

D) Tuman hududidan bozorga birlashtirilgan hududga gul ko'chatlari o'tqazib, obodonlashtirish ishlarini olib borish masalasi.

"Bulung'ur dehqon bozori" ma'suliyati cheklangan jamiyati ta'sischilarining navbatdagi umumiy yig'ilishida shaxsan ishtirok etishingiz yoki ishonch qog'ozi orqali vakilingiz ishtirokini ta'minlashingizni so'raymiz.

JAMIYAT MA'MURIYATI.

DA'VOLAR BO'LSA...

Samarqand shahrida xususiy amaliyot bilan shug'ullanuvchi notarius Nishonova Umida Ismatilayevna notarial idorasida marhum Xasanov Gulammirzo Abdullayevichga (2024-yil 17-noyabrda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Nishonova Umida Ismatilayevna notarial idorasiga murojaat etishlarini so'raymiz.

Manzil: Samarqand shahri Rudakiy ko'chasi, 132-uy, 2-xona.

Jomboy tumanida xususiy amaliyot bilan shug'ullanuvchi notarius Mamatqulov Otobek Bolbekovich notarial idorasida marhum Xujakulov Voxobitdinga (2021-yil 22-yanvarda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Mamatqulov Otobek Bolbekovich notarial idorasiga murojaat etishlarini so'raymiz.

Manzil: Jomboy tumani Saroy ko'chasi, 15-uy.

Samarqand tumanida xususiy amaliyot bilan shug'ullanuvchi notarius Davronov Mahmud Hasan o'g'li notarial idorasida marhum Usmanov Akramga (2024-yil 24-noyabrda vafot etgan) tegishli mol-mulk uchun meros ishi ochilmoqda. Shu mu-

nosabat bilan merosxo'rlarning Davronov Mahmud Hasan o'g'li notarial idorasiga murojaat etishlarini so'raymiz.

Manzil: Samarqand tumani Oqmachit mahallasi, Bag'rikenglik ko'chasi, 4-uy.

Toyloq tumanida xizmat safaridagi Samarqand shahrida xususiy amaliyot bilan shug'ullanuvchi notarius Tursunov Suhrob Berdiqulovich notarial idorasida marhum Yuldashev Davronga (2023-yil 24-martda vafot etgan) tegishli mol-mulk uchun meros ishi ochilmoqda. Shu munosabat bilan merosxo'rlarning Tursunov Suhrob Berdiqulovich notarial idorasiga murojaat etishlarini so'raymiz.

Manzil: Toyloq tumani Beruniy ko'chasi.

BEKOR QILINADI

Bakoyeva Feruza Subxonovna va Xamrulovala Farangis Jamshetovnalari o'rtasida Samarqand shahri Beruniy ko'chasi 144-uy, 8-xonadon uchun tuzilgan, Samarqand shahrida xususiy amaliyot bilan shug'ullanuvchi notarius Narzullayeva Lola Shukurullayevna notarial idorasidan 2019-yil 3-dekabrda tasdiqlanib, Ksh 170359 SA blankada tuzilgan, 284 raqam bilan reestrga kiritilgan xonadon (kvartira) hadya shartnomasining hadya oluvchidagi asl nusxasi yo'qolganligi sababli bekor qilinadi.

Oila – ikki insonning o'zaro ishonchi

Turmush qurish - inson hayotidagi eng muhim qarorlardan biri. Bu qaror orqali kishilar baxtini topishni, hayotda o'zidan ezgu iz qoldirishni istaydi. Ammo oila qurish cheklovlar o'rnatish yoki kimningdir erkinligini tortib olish uchun emas. Turmush avvalo, o'zaro hurmat, ishonch va tushunish asosida qurilishi lozim.

Har bir inson xatti-harakati uchun shaxsan o'zi javob beradi. Bu mas'uliyatni boshqalar zimmasiga yuklash insofdan emas.

"O'qimaysan" degan so'zlarni osongina aytadiganlar ko'p. Ammo bitta qiz o'qishga kirishi uchun qancha mehnat qilishi, necha bor tonggacha bedor qolishi, necha marotaba tushkunlikka tushib, yana orzu bilan qaytib turishi buni faqat o'zi biladi. Bu yo'lda ota-onaning qancha mehnati, mablag'i bor.

Shunday bir paytda "O'qimaysan, senga kerak emas" deb orzularni sindirish bu nafaqat qizning, balki uni orzu va mehnat bilan katta qilgan ota-onasining qalbini sindirishdir. Ayol uchun o'zini to'liq oilaga bag'ishlash fidokorlikdir.

Shuningdek, erkak agar turmush quromochi bo'lsa, to'ydan avval kimligini, hayotga, ayolga va oilaga munosabatini ochiq



ko'rsatishi kerak. Hamma gapga "yaxshi", "bo'ladi" deb keyinchalik butunlay boshqa qiyofada namoyon bo'lmisligi lozim. Qizni "o'qimsan, seni qo'llayman" deb uyiga olib kelib, keyin asl niyatini ko'rsatish noto'g'ri.

Oila - bu ikki insonning o'zaro ishonch, hurmat va muhabbatga asoslangan sherikligi. Bu maskanda tahdid va zo'rovonlikka o'rin bo'lmisligi kerak.

Aziza
MUHIDDINOVA.

SOG'LOM OILA – JAMIYAT USTUNI

"Zarafshon"ning maxsus sahifasi



Shifokor ogohlantiradi



"Yaroqsiz" bo'lib qolmay, desangiz...

Bugun hatto yoshlar ham qon bosimi balandligidan shikoyat qiladi. Afsuski, bu inson organizmiga jiddiy signal. Chunki qon bosimi o'zi bilan bir necha xil kasalliklarni yetaklab keladi va inson vujudini qisqa fursatlarda toliqtirib, uning mehnatga yaroqlik darajasini keskin pasaytiradi. Inson o'ziga e'tiborli bo'lmasa, kimningdir yordamiga tayanib qoladi. Buni esa hech kim istamaydi. Xo'sh, oddiy aytganda "yaroqsiz" holga kelib qolmaslik uchun nima qilish kerak?

Arterial gipertenziya deganda arterial qon bosimining 140 va 90 mmHg dan oshishi tushuniladi. Arterial gipertenziya o'z vaqtida davolanmasa, gipertenziya yurak-qon tomir kasalliklari, buyraklar shikastlanishi va umumiy o'lim xavfini oshiradi. Yuqori qon bosimiga genetik moyillik, noto'g'ri ovqatlanish, semirish, jismoniy faollikning yetishmasligi, stress, spirtli ichimliklarni istemol qilish va chekish kabi omillar sabab bo'lishi mumkin. Yuqori qon bosimining asosiy belgilari - bosh og'rig'i, bosh aylanishi, ko'rishning xiralashuvi, nafas qisilishi, ko'krak yoki oyoq-qo'llarda uvishish, bo'yin yoki boshdagi pulsatsiya hissi bo'lishi mumkin. Biroq ko'plab kishilarda yuqori qon bosimi uzoq vaqt davomida hech qanday belgilarisiz kechishi mumkin. Bu esa xavfni orttiradi va jiddiy asoratlarni keltirib chiqarishi mumkin.

Jismoniy faollik eng muhimi

Gipertenziyani har qanday surunkali progressiv kasallik kabi davolashdan ko'ra oldini olish osonroq. Shuning uchun ayniqsa, og'ir irsiyatga ega bo'lgan odamlar uchun gipertenziyaning oldini olish muhim vazifadir.

Avvalo, qon bosimi yuqori yoki chegara me'yorida bo'lgan har bir kishi, ayniqsa, yoshlik va o'smirlilik davridan boshlab gipertoniyaning oldini olish haqida o'ylashi kerak.




Gipertenziyaning birlamchi profilaktikasi quyidagilarni o'z ichiga oladi:

- *markaziy asab tizimining faoliyatini normalashtirish (stresning oldini olish).
- * ochiq havoda mashq qilish va terapevtik jismoniy tarbiya (toza havoda uzoq yurish, velosipedda yurish, bog'da sayr).
- *uyquni normalashtirish (8 soatlik uyqu).
- *ratsional ovqatlanish. Iste'mol qilingan kilokaloriyalarni diqqat bilan hisoblang, yog'larni ortiqcha iste'mol qilmang. Siz kuniga 50-60 gramdan ko'p bo'lmagan yog' istemol qilishingiz mumkin va ularning 2/3 qismi o'simlik yog'lari bo'lishi kerak: makkajo'xori, kungaboqar yog'i. Ko'p miqdorda hayvon yog'larini o'z ichiga olgan ovqatlarni cheklash - sut, sariyog', smetana kabi. Ratsionda yetarli miqdorda oqsillar bo'lishi kerak: yog'li bo'lmagan baliq, parranda go'shti, yog'siz sut, tvorog, qatiq va boshqalar. Oson hazm bo'ladigan uglevodlarni iste'mol qilishni cheklash kerak: shakar, qandolat mahsulotlari, shokolad, guruchli don mahsulotlari.
- *Ozish (semizlik holatida). Og'irlikni yo'qotmasdan, gipertenziyaning oldini olish haqida gapirish to'g'ri bo'lmaydi. Siz tezda vazn yo'qotishga harakat qilmasligingiz kerak; tana vaznini oyiga 5-10 foizga kamaytirishingiz mumkin.
- *Osh tuzini iste'mol qilishni kamaytirish (kuniga 6 gramdan ko'p bo'lmagan miqdorda iste'mol qiling).
- *Kaliy, kalsiy va magniy tuzlari ko'p bo'lgan oziq-ovqatlarni istemol qilish lozim. Misol uchun, kam yog'li tvorog, kashnich, loviya, o'rik, lavlagi, pishirilgan kartoshka, quritilgan o'rik.

Muolajada muntazamlik lozim

Ikkilamchi profilaktika arterial gipertenziya tashxisi qo'yilgan bemorlarda amalga oshiriladi. Uning maqsadi asoratlarni paydo bo'lishining oldini olishdir. Bundan tashqari, ushbu turdagi profilaktika ikkita komponentni o'z ichiga oladi: arterial gipertenziyaning dori-darmonsiz davolash va antigipertenziv (dori) terapiya. Agar har bir inson irsiyatni va atrof-muhitni o'zgartirishga qodir bo'lmasa, unda sog'lom turmush tarzi va to'g'ri ovqatlanishi juda muhim. Antigipertenziv terapiya - yuqori qon bosimini pasaytirishga qaratilgan shifokor tomonidan tayinlangan dori vositalari. Arterial gipertenziya bilan og'rikan bemorlar shifokorning tavsiyalariga qat'iy rioya etishlari va retsept bo'yicha dori-darmonlarni qabul qilishlari va shu bilan asoratlarni xavfi oldini olishlari kerak. Ko'pchilik davolanayotgan paytda ham bugun qon bosimim yo'q-ku, deya iste'mol qilayotgan dorilariga e'tiborsiz bo'ladi. Bu noto'g'ri.

Arterial gipertenziyaning oldini olish ertalab va kechqurun qon bosimi darajasini muntazam ravishda kuzatishni o'z ichiga oladi. Davolovchi shifokorning tavsiyalariga qat'iy rioya qilish, ahvoli yomonlashganda, o'z vaqtida shifokorga murojaat qilish talab etiladi. Yuqori qon bosimi ehtiyotkorlik va doimiy monitoringni talab qiladigan kasallikdir. Sog'lom turmush tarzini, sog'lom ovqatlanish, o'rta-cha jismoniy mashqlar va stresni kamaytirish qon bosimini nazorat qilish va yurak-qon tomir kasalliklari xavfini kamaytirishda muhim rol o'ynaydi. O'z ahvolingizdan xabardor bo'lish, qon bosimingizni muntazam o'lchab, shifokorga erta murojaat qilish sog'lig'ingizni saqlashga, faol va to'laqonli hayot kechirishga yordam beradi.



Xushnud NIZOMOV,
Respublika ixtisoslashtirilgan kardiologiya ilmiy-amaliy tibbiyot markazi viloyat mintaqaviy filiali direktori.



Ota-onalardan farzandining ta'lim olishda qiynalayotgani, xotirasi yaxshi emasligi yoki oshqozon-ichak tizimida muammolari borligi haqida eshitamiz. Bolakaylar bilan gashlaganimizda, ularning ovqatlanish ratsionida ikki-uch xil mahsulotdan boshqa narsa yo'q. Ota-onalar bolalarni ko'kat, sabzavotlar tanovul qilishga o'rgatmagan. Rolton, chipsdan boshqa narsa yemaydigan ba'zi bolalarning oshqozon-ichagini uzoq vaqt davolashimizga to'g'ri keladi. Ovqatlanish ham oiladagi tarbiyaning bir ko'rinishi, salomatligimiz, sog'lom turmush tarzimiz tarbiyasi aynan shundan boshlanadi.

Ta'lim va oshqozon o'zaro bog'liq

"Bolam faqat rolton yeydi" deydi ota-onalar uchun

O'zbekistonda aholi orasida yuqumli bo'lmagan kasalliklarning oldini olish, sog'lom turmush tarzini shakllantirish va jismoniy faollik darajasini oshirish maqsadida "To'g'ri ovqatlanish va sog'lom turmush tarzi" umummilliy harakati yo'lga qo'yilgan. Ayniqsa, maktab yoshidagi bolalar organizmida murakkab o'zgarishlar ro'y beradi. Buning uchun muntazam ratsional ovqatlanish lozim bo'ladi. Bola uchun eng yaxshi variant kuniga to'rt mahal ovqatlanishdir. Oshqozon sekretsiyasi bilan miyaning oziq-ovqat markazlari o'rtasida o'zaro ta'sir mavjud. To'g'ri ovqatlanish keyingi paytlarda maktab o'quvchilari orasida uchraydigan gastrit va oshqozon yarasining oldini oladi. Maktab o'quvchilari qanday mahsulotlar iste'mol qilishi muhim? Nonushta vaqtida sut va don mahsulotlari, sariyog', pishloq, tuxum va mevalar tavsiya etiladi. O'qishdan

so'ng o'quvchining o'zlashtirish ko'rsatkichlari pasaya boshlaydi, shuning uchun tushlik vaqtida u sarflangan energiyani qoplashi kerak. Bu vaqtda bola yog'siz go'sht yoki pishloq bo'ladi, qatiq, yangi meva istemol qilishi mumkin. Kechki ovqatda me'da-ichak traktini zo'rliqtirmaslik uchun tez va oson hazm bo'ladigan baliq, sut mahsulotlari, sabzavotlar tavsiya etiladi. Shuningdek, uxlashdan ikki soat oldin ovqatlanmaslik kerak. Kaloriya iste'molini kuzatib borish muhim ahamiyatga ega. Misol uchun, 7-11 yoshli bolalarga kuniga 2300 kkal, 11-14 yoshlilarga 2500 kkal kerak. 14-18 yoshli o'smirlarda 3000 kkalgacha talab oshadi. Oqsil, yog' va uglevodlar yosh organizmning o'sishi va rivojlanishi, aqliy faoliyati uchun muhim ahamiyatga ega. Maktab va maktabgacha ta'lim muassasalarida bolalar ratsioniga zid bo'lgan mahsulotlar iste'mol qilmaslik talab etiladi: qaymoq, chips, bodroq, konserva va xom dudlangan go'sht, saqich, sousli mahsulotlar shular jumlasidan.

Sanjar RO'ZIBOYEV,
Samarqand davlat tibbiyot universiteti 2-son xirurgik kasalliklar kafedrasini mudiri,
Xushvaqt UMEDOV,
katta o'qituvchi.

Bilasizmi?





Qo'lingizdagi kasallik o'choqlari

Bugungi kunda ko'pchilik yoshlar va hatto katta yoshlilar ham kompyuter va playstation xonalarida turli o'yinlarni o'yinab, vaqtlarini o'tkazmoqda. Afsuski, ushbu o'yinxonalarda sanitariya-gigiyena qoidalarga e'tibor yetarli darajada emas. Bu esa jiddiy muammolarga sabab bo'lishi mumkin. Klubda foydalaniladigan playstation va kompyuter pultrlari turli insonlar tomonidan ishlatiladi. Ammo ular muntazam tozalab turilmasa, bakteriya va zamburug'lar uchun qulay muhitga aylanadi. Eng xavfli, siz bu bakteriyalarni qo'lingiz orqali yuqtirib olishingiz va ularni uyga olib borishingiz mumkin. Uy sharoitida bu mikroorganizmlar, ayniqsa, immuniteti zaif bo'lgan bolalar va keksalarga turli infeksiyon xastaliklarni keltirib chiqarishi mumkin. Buning oldini olish uchun shaxsiy va jamoat joylarida gigiyena qoidalarga qat'iy rioya qiling. Bunda eng oddiy chora - qo'llarni muntazam gigienik vositalar bilan yuvish. Jahon sog'liqni saqlash tashkiloti tavsiyasiga ko'ra, qo'llar 20 soniya davomida sovun bilan yuvilishi kerak.

Smartfonlarni qo'limizdan deyarli tushirmaymiz, yuz, ko'zimizga yaqinlashtiramiz. Vaholanki, telefon sirtida hojatxonadagi bakteriyalardan ham ko'proq mikroblar bor ekan. Tadqiqotlarga ko'ra, smartfon yuzasida o'rtacha 10 mingdan ortiq bakteriya bo'ladi. Ushbu bakteriyalarning zarari oldini olish uchun quyidagi qoidalarga rioya qiling:

- telefoningizni haftada kamida ikki marta anti-septik salfetka bilan arting;
- ovqatlanayotganda yoki hojatxonada telefonni ishlatmang;
- telefoningizni boshqa odamlar bilan tez-tez almashmang.



MUASSIS: Samarqand viloyati hokimligi

Bosh muharrir: Farmon TOSHEV

Gazeta O'zbekiston matbuot va axborot agentligining Samarqand viloyat boshqarmasida 2012-yil 30-martda 09-01 raqam bilan ro'yxatga olingan. Nashr 100. Indeks 438. 14 526 nusxada chop etildi. Buyurtma 260. Hajmi 2 bosma taboq, bichimi A-2

Gazeta haftaning seshanba, payshanba va shanba kunlari chiqadi.

QABULXONA: (66) 233-91-51, REKLAMA VA E'LONLAR: (66) 233-91-56

BO'LIMLAR: (66) 233-91-57, 233-91-58, 233-91-59, 233-91-61

MANZILIMIZ: 140100, Samarqand shahri, Ulug' Tursunov ko'chasi, 80-uy, Matbuot uyi.

Gazeta «Zarafshon» tahririyatining kompyuter bo'limida sahifalandi.

«Noshir lux» MCHJ bosmaxonasida chop etildi.

Korxonalar manzili: Samarqand shahri, Spitamen ko'chasi, 270-uy.

Bosishga topshirish vaqti: soat 18:30 da.

Bosishga topshirildi: soat 19:00

Navbatchi muharrir:

G'.HASANOV.

Navbatchi:

Y.MARQAYEV.

Sahifalovchi:

B.ABDULLAYEV.



Saytimizga o'tish uchun QR-kodini telefoningiz orqali skaner qiling

Sotuvda narxi kelishilgan holda